



80  
Rom



1. Graconites f. G. Johan / gottes vorfifungen  
von Christo auß Moſe und allen propketen  
Lübeck 1550. f. 4
2. — von Job und der Naamen Jesu Christo  
Lübeck 1550.  
constat 16. 27
3. — von der Sündfluff.  
Lübeck 1549.
4. — von Zwillingen im Bibe  
Rebecca, Lübeck, 1550
5. — von dem Silah Jesu Christo  
Lübeck 1549.
6. — Das ist Man, Lübeck  
1550.
7. — von dem selb d. C. Lübeck  
1550
8. — von dem Alkan unfrucht  
Gott d. Lübeck, 1550.
9. — von dem vrien Brandopffer.  
Lübeck. 1550.
10. — vom Dyriß offer, Lübeck  
1550.



37

# Sonden fürstlichen

Die Friede leren.

DOCTOR IOANNES  
DRACONITES.

Isa. 60.

Ich wil machen das deine Fürstlicher Friede leren sollen/  
vnd deine Pfleger gerechtigkeit predigen.

M. D. L.



Handwritten text in Gothic script, likely bleed-through from the reverse side of the page.

Esai. 60.  
Mache dich auff / werde Licht: denn dein Licht kompt.



Esai. 60.  
Sie werden dich nennen / eine Stad des Herrn / ein Zion  
des Heiligen in Israel.



# Den Lerern des Friedens:

M. Georg Bart Vnd Laurentio

Morgens: Gnad in CHRISTO.



Welch ein schöner vnd lieblicher Spiegel Gottes

des Heiligen Geists ist mir dis Euangelische Capitel des Christlichen Propheten Jesais/ darinnen CHRISTI Reich vnd Predigamt so meisterlich vnd heilich beschrieben vnd gesehen wird/ das ein Gottfürchtig vnd Christgleubig hertz gleuben vnd bekennen mus/ es seie nichts vnter allen Himeln edlers vnd bessers denn die grosse Maister vnd ewige seligkeit des Euangelischen Predigampts vnd Reichs CHRISTI. Denn weil auch ein rechter Christen vnd Prediger nichts anders ist denn eine Wohnung Gottes vnd mundbore CHRISTI in welchem der heilige Geist wandlet vnd durch in Gottes wort redet: gewislich aber in Himel vnd erden nichts so nottig vnd nutz ist allen menschen ewige gerechtigkeit vnd seligkeit zuerlangen/ als Gottes wort vnd Geist: So mus ons ueinlich das Christenthum vnd Euangelische Predigamt auff erden solch ein prechtig vnd kostlich ding sein fur Gott/ das auch zwischen den Cherubim vnd Seraphim im Himel vnd rechten Christen vnd Predigern auff erden kein ander vnterschied seie/ denn das die Engel im Himel ewiglich singen/ Heilig Heilig Heilig ist der Herr Zebaoth/ die Christen vnd Prediger aber thun solchs auff erden ir lebenlang/ vnd was die Cherubim vnd Seraphim bereite sind/ das sollen die Christen vnd Prediger noch werden: als CHRISTVS spricht Matth. 22. Sie werden sein wie die Engel Gottes im Himel.

Es scheint aber fur der welt das es viel ein ander ding vmb Christen vnd Prediger seie denn Jesais in disem Capitel prediget: nemlich wie die lieben Christen auch klagen psal. 44. Wir werden teglich vmb deinet willen getödtet/ wir werden geschret wie die Schlachtschafe. Vnd Paulus spricht 1. Cor. 4. Gott hat vns Apostel fur die allergeringsten dargestellt als dem tod vbergeben: denn wir sind ein SchauSpiel der welt der Engel vnd der menschen. Die vnseiligen Bluthund die Christen nicht/ der meinen/ wenn sie einen Christen vnd prediger marttern vnd moorden/ sie haben einen Esel geschlagen vnd ein Schafe geschlachret: wissen nicht das sie den Christen vnd Prediger vom zeitlichen tod erlöset vnd zum ewigen leben bracht haben/ sich selbs aber geistlich erwürget vnd ewiglich verdampt: wie ps. 37. Klinger/ Die gottlosen ziehen das Schwerd aus vnd spannen iren bogen/ das sie fellen den elenden vnd armen vnd schlachten die fromen/ aber ir Schwerd wird in ir hertz gehen vnd ir bogen wird zubrechen. Es ist weder alles glück vnd heil aller gottlosen vnd Widerchristen noch alles vnglück vnd leiden aller Christen vnd Prediger/ mit der geistlichen freud des hertzen in disem Weinal vnd der künfftigen heiligkeit im ewigen leben zuueglichen: Wie Paulus auch derhalben sein leiden fur nichts achtet vnd spricht Ro. 8. Trübsal dieses lebens ist nicht werd der künfftigen heiligkeit die an vns sol offenbaret werden.

Darumb müssen wir alle dise Gottliche lebendige freudenreiche wort Jesais des Propheten vom Reich vnd Predigamt CHRISTI nicht von ehsserlichem vnd zeitlichem wesen vnd ansehen das mit henden gegriffen vnd besessen wird: als die welt ire Taler zellet vnd in grossen heisern woner. Sondern von geistlicher freud des hertzen in leidlichen trübsal vnd ewiger seligkeit mit leib vnd seel im Himelreich. Als Maria das wort in irem hertzen behielt. Lu. 2. Vnd ob sie wol CHRISTVM geboren hatte/ dennoch musste sie mit im das Creutz tragen vnd fur Herode stehen in Aegypten Matth. 2. S. Paulus drückt der Christen vnd Prediger geistliche seligkeit mit klaren wortten aus vnd spricht Phil. 3. Unser wandel ist im Himel/ von dannen wir warten unsers heilandes IESU CHRISTI der unsern nichtigen leibe verfleuren vnd seinem heilichen leib ehlich machen wird.

Sethet lieben Brüdere dis gut end der Christen vnd Prediger Trübsal/ macht den Propheten Jesais so murtig/ das er im ersten teil dises Capitels seine Bürger zu Jerusalem mit grossen ernst vermanet alles zuthun vnd zuleiden vmb des Euangelij willen: vnd im andern teil verheisset das von seiner Stad glanz vnd licht CHRISTO IESU die ganze welt erleuchtet vnd erstrewet werden solt: Wie ps. 50. auch Klinger/ Aus Zion bricht an der schön glanz Gottes. Vnd das er iz der Christen freud vnd Prediger Maister noch freestiger mache vnd lebendiger fur augen male/ so macht der Geist im dritten teil dises Capitels den lieben Christen vnd Predigern darumb Wolcken vnd Taubenflügel das ir hertz eilet vnd ir mund daher flüget mit Gottes wortt alles CHRISTO zugewinnen; als die Wolcken vom Winde ge-  
X ij trieben



## Vorrede.


Wie eben einen Regen dem Erdboden zurichten/und die Tauben zu den fenstern stehen tre Jungs  
gen zuniere: auff das man ja sehe wie das Christenthum vnd Predigamt vnser Heilandes  
CHRIST ein freies vnd himelisches wesen vnd ampt sei/ das an allen orten lebendig  
vnd thettig ist da Wolcken vnd Tauben stehen/ so man nur dem Euangelio zuhören vnd  
glauben kan. Denn auch der heilig geist frembde Prediger vntracht wil haben vnd dard  
umb die Kirchen Thür stets offenstehen lest/ das alle die nur predigen können sie kommen he  
wo sie wollen auff die Cangel gelassen vnd gehört werden sollen/ vnd bei verlust ewiger sel  
igkeit niemand von Gots Wort vnd Sacrament gehindert werde so bereit ist das wort  
recht zuteilen vnd der Sacrament begeret.

**W**er kan aber mit einer menschenzungen ansprechen den vnaussprechlichen Gotteslohn so  
Jesais im letzten teil dieses Capitel verheisset/ vnd den alle Christen vnd Prediger so  
nach der heiligen Schrift leren vnd leben hie vnd dort empfangen werden? Sind nicht die lieb  
ben Christen vnd Prediger von Christi Geburt an schendlich vnd grausamlich verlassen vnd ge  
hasser verfolgt vnd gelestert worden? Wes gedechtnis aber begehret man itz auff erden mit  
jertlichen freuden herrlicher denn aller Christen vnd Prediger die etwas gethan vnd erlitten  
haben vmb Gotes worts vnd CHRISTI willen? also wird dir auch gehen/ wenn du le  
rest lebest ledest wie sie. Wird dir vmb des Euangelij willen erz eisen holtz genommen/ so  
wird dir CHRISTVS silber gold erz dafür geben: wie er selbs spricht Mar. 10. Warlich  
sage ich euch/ wer vmb meines Euangelij willen verlest Haus Bruder Schwester Vater Mut  
ter Weib Kinder Leber/ der wird es hundertfeltig empfangen in diesem leben mit verfolgung  
vnd in der künfftigen welt das ewigleben. Das edlitz Kleinod aber so die Christenheit  
auff erden haben kan sind die lieben Prediger des Euangelij/ dazu von Gott dem heiligen geist  
beruffen/ das sie leren sollen alle menschen nach den zehengebotten Gott fürchten/ vnd mit jere  
man eüsserlichen freid halten vnd ein weltlichgerecht leben führen: nach Gotes verheissungen  
aber glauben an CHRISTVM das hertz mit Gott zusiden stellen vnd das ewigleben er  
langen. Wer nach dem heiligen Catechismo lebet vnd leret/ also das er in keinem Arickel  
des glaubens stranchlet/ der gibt einen guten fürsther der gewissen vnd pfleger der Seelen/  
vnd souiel an im ligt ist er eine lebendige quelle gemeines freides vnd alles glücks vnd heils:  
Wie denn Obadia derhalben die Prediger Heilande nennet. Gott aber spricht hie/ ER wolle  
rechte Prediger geben die leren können wie man fur Gott gerecht vnd selig werde. Dumb  
sol kein freuel vnd schad im lande gescheen vnd die Stad Mau/ heil/ vnd das Stad Thor/ lob/  
heissen: so mus es von Gott durch die predigt des gesetzes vnd Euangelij kommen: als Salomo  
derhalben auch spricht Pro. 10. Des gerechten mund ist ein lebendiger Brun. Ja sollen  
wir arme Sänder nach diesem Tod ewigleben im Himelreich darinnen kein Sonn auffvnd dide  
gehen wird vnd kein Mond abenochzunimpt/ sondern darinnen Gotes angesicht das ewig  
licht mit vnaussprechlichen freuden angesehen wird: so müssen Prediger sein die vns den wege  
zum Himelreich IESVM CHRISTVM mit Gotes wort zeigen vnd mit einem Gort  
seligen wandel in der finstern welt den schwachglewbigen vorgehen. Denn sollen eitel gerech  
ten sein in der Christenheit die Gotes Newen Erdboden am Jüngsten Tag ewiglich besitzen  
sollen/ vnd sich dennoch auff erden so demütrigen sollen das sie sich nur fur zweige Gortlicher  
pflanzung vnd werck Gotes halten/ ob sie gleich mit hohen gaben gesiecket vnd der kleinst vnd  
ter in ein ganz land beferen kan: so mus es das Euangelische Predigamt ausrichten/ an welo  
chem dieses vnd jenes lebens heil gelegen ist: nachdem Paulus 1. Ti. 4. spricht/ Gott selick  
hat verheissung dieses vnd des künfftigen lebens.

**S**Intemal nu Gott selbs von allem gutt in diesem Christlichen Capitel verheissen spricht (ich  
der Herr wil solchs zu seiner zeit eilend aussprechen) so wolt ich ewer Christlichen liebe diesen  
Spiegel Gotes des heiligen Geists/ nicht alleine darumb senden das er selbs drinnen seher nach  
dem abgrunde Gortlicher Scherze drinnen verborgen/ die mir nicht möglich waren in diser eile  
zugrunden vnd erforschen/ sondern auch das er in ewrem Predigamt weit vber alle trübsal  
vnd anfechtung hin sehet vmb der künfftigen herrlichkeit willen in diesem Capitel ver  
sprochen/ vnd zum Himelreich/ wie die Propheten vnd Apostel/ eilet.

Der Herr IESVS CHRISTVS vnser ewiglichte  
erleucht vns mit seines vaters geist in  
vnd ewiglich. Amen.

Geschrieben in der Webe S. Jacobs:  
12. Feb. M. D. L.





# Von deinen Fürstehern:

Die Friede leren: Das  
LX. Capitel Jesaia.

**D**ies Capitel ist auch eine schöne Weis-  
sagung von dem seligen Reich vnsers Herrn  
JESU CHRISTI vnd ein herliche beschreibung der  
heiligen Christlichen Kirchen aus Jüden vnd Heiden durchs  
Euangelion versamlet. Wer des Euangelij Sonn in al-  
ler welt sihet auff gehen vnd scheinen/ der mus bekennen/  
das kein lieblicher vnd lustiger ding sei denn das Euangelion hören vnd ein-  
glied sein der Christlichen Kirchen. So last vns das Capitel in vier  
stücke teilen/ vnd erzelen: Im Ersten wie vnd warumb der heilig geist  
die Jüden zum Euangelio vermanet. Im andern wie die Heiden zum Eu-  
angelio bekeret werden sollen: Wie die Christen sich freuen wenn alle welt  
zum Euangelio bekeret wird: Von der Christen Gottesdienst. Im drit-  
ten wie die Apostel alle welt zu CHRISTO beruffen werden: Von den  
Predigern aus den Heiden beruffen: Wie das Creutz ein zeichen Gottes gna-  
den sei: Wie die Christenheit das feld behalten mus: Wie es der Christen  
feinden vbelgehen werde: Warumb Gott die Christenheit so herlich mache.  
Im vierden wie der Christenheit feinde bekeret werden sollen: Wie die Chris-  
ten für vnglück heil kriegen sollen: Wie die Fürsther der Christen freid vnd  
heil leren werden: Von der vnsichtbarn seligkeit der Christen: Wie die Chris-  
ten eitel gerechten Gottes erben vnd werck seien: Wie ein Christ viel bekeren  
werde: Wie Gott sein wort gewislich erfüllet.

**W**ach dich auff vnd werde Licht: denn dein Licht kompt/  
vnd die herlichkeit des Herrn gehet auff vber dir. Denn  
sihe finsternis bedeckt das Erdreich vnd tunkel die völk-  
er: aber vber dir gehet auff der Herr/ vnd sein herlichkeit  
erscheinet vber dir.

In diesem ersten teil last vns hören

**W**ie vnd warumb Jesaias die Jüden vermanet  
dem Euangelio zugleuben.

**I**ch auffmachen/ heist durch die Bns sich zum glawben des  
Euangelij bereiten: Wie der Teuffer sprach Jo. 1. Bereitet  
den wege dem Herrn. Daraus scheinet das Licht werden heisse/  
die Bns dem Euangelio gleuben vnd durch den glawben  
erleuchtet werden: als Paulus Eph. 3. derhalben spricht/ Je-  
seit ein Liecht im Herrn. Drumb wil Isaias mit disen wort-  
ten (mache dich auff vnd werde Licht) nichts anders denn zubüssen vnd  
gleuben vermanen: gerade wie Paulus Eph. 5. da er spricht/ Wach auff  
der du schleffest vnd stehe auff von den todten/ so wird dich CHRISTVS  
erleucht



## Von deinen Fürstehern:

erleuchten. Sientemal nu durch liecht das Euangelion zuuersehen vnd die herlichkeit des Herrn ist alle gütter so Gott im Euangelio versprochen vnd damit er die gleybigen herlich macht. So wil er mit disen wörtten (denn dein liecht kompt/ vnd die herlichkeit des Herrn gehet auff vber dir) vrsache seiner vernunft dar legen vnd souiel leren/ das man bei verlust der ewigen seligkeit nicht vnbusfertig noch vngleybig seie/ wenn Gott das Euangelion durch **CHRIJSTVM** predigen lasse: auff das man nicht vmb alle güter kome so Gott im Euangelio versprochen/ sondern das ewige leben erlange.

**S**ie aber wie meisterlich erzelet er noch ein vrsache durch ein vngleichnis/ darumb sie billich sich auffmachen vnd liecht werden sollen/ nemlich/ das ein Land das Gottes wort hat/ gegen dem Land das Gottes wort nicht hat/ so gar nicht zuergleichen ist/ als liecht vnd finsternis nicht zuergleichen sind. Finsternis das land bedecken vnd tuncel die völker/ heist/ alle menschen so das Euangelion nicht haben/ gar nichts von Gott verstehen noch reden können: Wie Paulus auch die Epheser finsternis nennet/ ehe sie das Euangelion kriegeren. Gleich wie den Herrn auff gehen/ heist **CHRIJSTVM** das Euangelion predigen: also heist seine herlichkeit erscheynen/ durchs Euangelion seinen geist vnd alle geistliche gaben vnd gütter schencken: Wie Paulus zum Ephesern am ersten spricht/ Gelobe seie Gott der vns durch **CHRIJSTVM** gesegnet hat mit allerlei geistlichem segnen in Himelischen gütern/ vnd nennet die Epheser auch derhalben ein Liecht im Herrn. Drumb wil er mit disen wörtten (denn sihe finsternis bedeckt das Erreich vnd dunckel die völker: aber vber dir gehet auff der Herr vnd sein herlichkeit erscheinet vber dir) alle welt mit dem lande so das Euangelion hat verunglichen haben/ also/ das ein Land das Gottes wort hat/ von allen landen die Gottes wort nicht haben/ so ferne zuscheiden seie/ als Himel vnd Helle/ liecht vnd finsternis/ tod vnd leben/ von einander zuscheiden sind: Wie Dauid auch in dise meinung sihet/ da er spricht Psal. 147. Er hat kein volck vnterm Himel gethan wie Israel: denn so hoch der Himel vber der Erden ist/ lest er seine gnad vber vns walten. Psal. 103.

**U**nd die Heiden werden in deinem Liecht wandeln: vnd die Könige im glantz der vber dir auff gehet. Hebe deine augen auff vnd sihe vmbher dise alle versamlet komen zu dir. Deine Söne werden von ferne komen/ vnd deine Töchter erzogen werden zur seitten. Denn wirstu sehen deinen lust vnd ausbrechen/ vnd dein hertz wird sich verwundern vnd ausbreitten/ wenn sich die menge am Meer zu dir beferet/ vnd die macht der Heiden zu dir kompt. Denn die menge der Camelen wird dich bedecken/ die leusser aus Midian vnd Ephra. Sie werden aus Saba komen/ Gold vnd Weirach bringen/ vnd des Herrn lob verkündigen. Alle herde in Kedar sollen zu dir versamlet werden/ vnd die Böcke Nebaioth sollen dir die



## Die Fride lerent.

dir dienen. Sie sollen auff meinem angenehmen Altar gesopffert werden. Denn ich wil das Hause meiner herlichkeit zieren.

Je weissaget Jesaias das alle Heiden durchs Euangelion zu **CHRISTO** bekeret werden sollen/ vnd beschreibet nicht alleine die grosse freude so das Euangelion in der Christenheit anrichten werde/ sondern auch was der Christen Gottesdienst sein werde. So laß vns aus diesem andern teil zwo lere schepffen vnd reden: Erstlich

### Wie die Heiden vnd Könige zu Christo bekeret werden sollen.

**D**ie Heiden im liecht vnd die Könige im glantz wandeln/ heist beide Heiden vnd Könige das Euangelion annemen: Wie Ps. 72. auch weissaget vnd spricht/ Alle Könige werden im anbetten/ alle Heiden werden im dienen. Die augen auffheben vnd sehen wie sie versamlet komen/ heist/ die Apostel vnd Christen mit freuden hören vnd erfahren/ wie die Heiden vnd Könige den **CHRISTEN** annemen welcher den Jüden verheissen vnd von den Christen aus den Jüden geprediget wird. Söhne vnd Töchtere von ferne komen/ ist auch nichts anders denn das Euangelion in aller welt geprediget viel Christen machen: nach diesem Spruch **CHRISTUS** Matth. 23. Sie werden komen vom morgen vnd abend. So wil er mit diesen wortten (Hebe dein augen auff vnd sihe vmbher: dise alle versamlet komen zu dir. Deine Söhne werden von ferne komen/ vnd deine Töchtere erzogen werden zur seitten) in der Summa weissagen/ das man sehen werde mit augen wie Gott durchs Euangelion in aller welt erfüllen werde das er Abraham verheissen hat vnd gesagt Ge. 12. In deinem Samen sollen alle geschlecht auff erden gesegnet werden.

Als ist aber das gesaget: Denn wirstu sehen deinen lust vnd ausbrechen/ vnd dein hertz wird sich verwundern vnd ausbreiten/ wenn sich die menge am Meer zu dir bekeret/ vnd die macht der Heiden zu dir kompt: Es heist nicht alleine daran einen vnaussprechlichen lust haben/ wenn ein Land König volck dem Euangelio zufellig vnd anhengig wird/ sondern auch mit leib vnd leben gutt vnd ehre dazu raten vnd helfen das alle welt Euangelisch werde. Ich habe fur meine person an keinem ding mehr lust denn wenn ein Land oder volck Euangelisch wird vnd **CHRISTEN** dienet. Drumb thue ich auch nichts liebers auff erden denn was meiner lieben Mutter der Christenheit lieb vnd nutz ist. Durch die menge am Meer/ verstehe die Heiden in den Insulen vnd allethalben am Meer geseffen. Die macht der Heiden kame/ da durchs Euangelion Italia/ Griechenland/ Hispania/ Gallia/ Asia/ Cilicia/ Africa/ Aegypten/ Cypren/ Rhodis/ Creta/ Preussen/ Lieffland/ Pomern/ Niderland/ Oberland/ Schottenland/ Island/ andere Lender der Heiden zu **CHRISTEN** bekeret wurden: nach diesem befelch **CHRISTUS** Mar. vl. prediget das Euangelion aller Creature. Die menge der Camelen/ sind die vöcker vom auffgang der Sonnen die Camelhier pflegen zu haben: die werden auch komen zum Himelischen Jerusalem oder Christenheit. A ij



## Von deinen Fürstehern:

heit. Midian ligt gegen dem Roten Meer: Epha ist ein stücke von Reich Arabien. Durch Saba verstehe die leütte so zur rechten hand gegen auffgang der Sonnen wonen: Aber Redar vnd Nebaioth sind die auff der lincken seitten in Arabia. Gold vnd Weirauch bringen vnd die Böcke dienen/heist/ein iglich land mit den gaben der armen Kirchen raten vnd helfen die sie von Gott empfangen haben: als die Araber mit Gold vnd die von Nebaioth mit Böcken. Des hern lobe verkündigen/heist/Gott danken vnd **CHRISTVM** loben für alle wolhatten/vnd **CHRISTVM** für den einigen Heiland erkennen vnd bekennen. So wil er mit diesen wortten (denn die menge der Camelen wird dich bedecken/ die leüßer aus Midian vnd Epha. Sie werden aus Saba komen/ Gold vnd Weirauch bringen/ vnd des hern lob verkündigen. Alle herde in Redar sollen zu dir versamlet werden/ vnd die Böcke Nebaioth sollen dir dienen) weissagen/ das genante lender vnd leütte das Euangelion hören vnd soniel ir drinnen zu **CHRISTO** bekeret werden/ mit hertzen vnd mund hab vnd vermügen leib vnd leben das Euangelion ehren vnd foddern werden. Tu

## Von dem rechten Gottesdienst vnd Gaben des Geists.

**D**er angenehme Gottes Altar ist **CHRISTVS** in welchem alle fülle der Gottheit leibhafftig wonet/ vnd durch welchen alleine versünet wird alles das in Himel vnd Erden ist: als Col 1. Paulus zeüget. Daher ein angenehme Altar Gottes genennet/ das Gott nirgend gesucht vnd geehret sein wil denn in **CHRISTO**: Wie Peter auch Ac. 5. spricht/ Es ist kein Name vnter dem Himel den menschen gegeben darinnen heil sei denn der Name **JESVS**. Daraus wolzuuerstehen/ das auff dem angenehmen Altar Gott geopffert werden/heisse/ durch den glawben an **CHRISTVM** sich selbs Gott opffern: Wie Paulus Ro. 12. leret da er spricht/ Ich ermahne euch lieben Brüdere durch die barmherzigkeit Gottes/ das ir ewre leibe begebet zum Opffer das da lebendig heilig Gott wolgefellig sei. So wil er mit diesen wortten (sie sollen auff meinem angenehmen Altar geopffert werden) soniel leren das alle Gottes erweleten in der ganzen welt von Gottes Priestern den Euangelischen Predigern geleret/ durchs Gesetz vnd Euangelion geglewbet vnd bekand/ iren willen durch die liebe selbs tödten/ vnd durch hoffnung Gott opffern werden: als Paulus Ro. 15. sich derhalben auch einen Diener der Heiden nennet vnd spricht/ Ich bin ein diener **CHRISTI** vnter die Heiden/ zuopffern das Euangelion Gottes/ auff das die Heiden werden ein Opffer Gott angenehme/ durch den heiligen geist geheiligt. Sibe wie Gott die Christenheit ein Haus seiner herlichkeit nennet: also nennet er die gaben des geists seines Hauses zierde. Drumb was er mit diesen wortten (denn ich wil das Hause meiner herlichkeit zieren) weissaget/ das ist erfüllet am Pfingstag/ vnd wird noch teglich erfüllet: Wie Paulus 1. Cor. 12. meldet.

**W**er sind die welche fliegen wie die Woldken/ vnd wie Tauben zu iren fenstern: Die Insulen harren auff mich vnd die



## Die Fride leren.

vnd die Schiffe am Meer vorlanges her / das sie deine kinder von ferne herzubringen sampt irem Silber vnd Gold / dem Namen des Hern deines Gottes vnd dem Heiligen in Israel / der dich herlich gemacht hat. Fremde werden deine Mauren bauen: vnd ire Könige werden dir dienen. Denn in meinem zorn habe ich dich geschlagen / vnd in meiner gnade erbarme ich mich vber dich. Vnd deine Thore sollen stetes offenstehen / weder tage noch nacht zugeschlossen werden / das der Heiden macht zu dir gebracht vnd ire Könige herzu gefüret werden. Denn welche Heiden oder Königreiche dir nicht dienen wollen / die sollen vmbkomen / vnd die Heiden verwüestet werden. Die herlichkeit Libanon sol an dich kommen / Tennen / Büchen / Buchsbawm miteinander / zuschmücken den ortt meines Heiligthums. Denn ich wil die Stette meiner füsse herlich machen.

Aus diesem dritten teil last vns sunff lere schepffen / vnd erzelen: Erstlich

## Wie vnd warumb das Euangelion sobald zunemen werde.

**W**olcken vnd Tauben / bedeuten / Apostel vnd prediger des Euangelij. Denn wie die Wolcken mit regen ein dürres vnd dürstig Erdreich laben vnd erquickten: also trösten vnd erfreuen die Apostel vnd prediger des Euangelij die betrübten hertzen vnd elenden gewissen: als David auch Gott dervhalben preiset vnd spricht ps. 68. Gott du gibst einen gnedigen Regen vnd erquickest dein erbe das durre ist. Vnd wie die Tauben zu iren wonungen vnd Jungen eilen: also eilen vnd geilen die Apostel vnd prediger zu den gemeinen **CHRISTEN** sie mit Gottes verheissungen zutrösten vnd mit gaben des geists erquickten. Gerade wie Paulus Ro. 1. sprach / Mich verlanget euch zusehen / auff das ich euch mittheile ettwas geistlicher gaben euch zustercken. Drumb wil er mit disen wortten (wer sind die welche fliegen wie die Wolcken / vnd wie die Tauben zu iren fenstern: ) der Apostel vnd prediger hertzen vnd mund der Wolcken vnd Tauben flügeln verglichen haben / das Gottes wort schnell leuffe / nicht lere widerkompt / bald die ganze welt erfüllet / als der Sonnen schein. ps. 19. Warumb aber wird das Euangelion sobald zunemen: Höre zu. Gleich wie ein dürres Erdreich jmerdar regens begeret: vnd wie Junge Tauben von den alten ire speise wartten: Also begeren alle trawrige Selen von Euangelischen Predigern mit Gottes verheissungen getröstet vnd erfreuet zu werden. Es dünckt mich aber gewislich vnd halt es dafur / das er darumb spreche (Die Insulen vnd Schiffe am Meer harren auff mich vorlanges her) das er der Christen aus den Heiden

A ij wundsck



## Von deinen Fürstehern:

wunsch abmale/ also/ das sie begeren alle verheissunge Gottes vorlanges den/zeiten gescheen an inen erfüllet zuwerden/ vnd gלבens auch das es gescheen werde. Als ich selbs an diser See gלבe / das ich ein stücke seie von denen so Gott **CHRISTO** zueigen gegeben habe da er spricht. Ps. 2. Ich wil dir der welt ende zum eigenthum geben. Siehe diser wunsch aller rechten Christen vnd begirde das Gottes Euangelion geprediget werde / wird so gros sein das sie Silber vnd Gold durfftigen Predigern vnd Christen zuflaw vnd hülffe geben vnd schencken werden das ja Gottes wortt alle welt höre vnd selig werde. Das er aber spricht: Dem Namen des Herrn werde solche gescheen der herlich macht: zeigt an/ das die Christen nicht darumb gute werck thun werden/ das sie das Himelreich damit verdienen/ sondern das sie danckbar seien gegen dem der sie von der Hölle erlöset vnd inen den Himel geschenkt hat. So wil er mit disen wortten (die Insulen harren auff mich vnd die Schiff am Meer vorlanges her/ das sie deine kinder von ferne erzubringen sampt irem Gold vnd Silber/ dem Namen des Herrn deines Gottes vnd dem heiligen in Israël der dich herlich gemacht hat) nicht alleine soniel weissagen/ das man allerhalben mit grosser begirde auff's Euangelion hoffen vnd wartten werde/ als auff den einigen Trost vnd trost der elenden gewissen vnd betrübten hertzen: Sondern auch das viel Christen gלבigen ir hab vnd gut daran wenden werden/ das Gottes Name **IESVS CHRISTVS** weit vnd ferne geprediget vnd den armen geholfen werde. **Au**

## Wie die Heidenschaft viel Euangelischer Prediger vnd Gottseliger Könige geben werde.

**D**enn was wil er anders mit disen wortten (Frembde werden deine Mauren bawen) denn das die Heidenschaft viel trefflicher Prediger vnd Schreiber geben werde so die Kirchen mit leren vnd schreiben auffbawen vnd im baw erhalten werden? Das er aber spricht (vnd ire Könige werden die dienen) weissaget das die weltlichen Herrn auch zu **CHRISTO** bekeret werden nach dem andern Psalm. So wil er mit allen disen wortten (Frembde werden deine Mauren bawen / vnd ire Könige werden dir dienen) das Euangelische PredigAmpt vnd weltlich Oberkeit ein igliches nach seinem beruff an einander gehenget haben/ also/ das die Prediger die gewissen vnd selen regiren sollen mit Gottes wortt vnd geist wider alle Secten vnd Kotten/ wie Paulus in den Episteln an Timotheon den predigern furschreibet: die weltliche Könige Fürsten Herrn aber zu **CHRISTO** bekeret das PredigAmpt vnd ire vnterhanen beschirmen mit gewalt/nach den Spruchen ihres beruffs in der Schrift ausgedruckt. Bisher wie das Euangelische PredigAmpt inwendig vnd geistlich schnell vnd grosses anrichten vnd ausrichten werde. **Au**

## Wie das Christenthum vnd PredigAmpt durch widerstand wachst vnd zuneme.

**Im**



## Die fride leren.

**I**n zorn erschlagen werden/ heist/ die Christen ansechtung in der welt haben müssen/ weil auch noch sünd im fleisch sticket nach Gottes rat 1. pe. 4. Die da leiden am fleisch hören auff zusündigen. In gnaden aber erbarmen/ heist/ das Creutz darumb auff legen das man vom Gesetz appellire zum Euangelio mit gebetten/ vnd lere vergebung der sünd vnd das ewig leben mit dem glawben so fest halten/ als Jacob Ge. 32. sprach/ Ich las dich nicht gehen du segnest mich denn. So wil er zu der Christenheit mit disen wortten (In meinem zorn hab ich dich geschlagen/ vnd in meiner gnade erbarme ich mich vber dich) souiel sagen: Ich wil dich wol der vbrigen Sünde halben ein wenig mit einer veterlichen geissel steipen vnd darumb züchtigen das du mit der glawblosen welt nicht verdampt werdest: aber es ist doch vnter solchem zorn staupbesem zucht eitel veterlich gnade vnd trewe verborgen: nach disem Spruch Ezech. 18. Ich habe nicht lust zum tod des Sünders/ sondern das er sich bekere vnd lebe. Summa die Christen sollen wissen/ das sie nach dem Gesetz billich gestrafft werden: aber nach dem Euangelio sollen sie nur getrost sein/ weil die glawbigen von Gott nimmermehr gerissen werden mögen: als ir Schutzherr **CHRISTVS** spricht Jo. 10. Niemand sol mir sie aus meiner hand reißen.

**I**n Thore stetts offenstehen/ heist/ die Christenheit mit dem Predigamt wie **CHRISTVM** mitten vnter den feinden herschen vnd sicher sein: Wie ein feste Stad die sich vor iren feinden so gar nicht fürchtet das sie auch kein Thore zuschleißt. Merck aber/ das solche sicherheit geistlich ist im wortte vnd glawben: welche der Christenheit feind alle nicht eilgen können/ ob sie gleich den leibe plagen vnd tödten. So wil er mit disen wortten (das der Heiden macht zu dir gebracht vnd ire Könige herzu geführt werden) vrsach erzelen Christlicher vnd Euangelischer sicherheit/ nemlich das Gott dem Euangelio darumb fride gebe das alle welt im friden bekeret werde: Gleich wie der Fridfürst darumb geboren werden must da Janus zu Rom dreimal zugeschlossen war/ zu einem zeichen des allgemeinen Welefrides: wie Lu. 2. zeiget vom Keiser Augustus. Summa die Christenheit ist eine freioffene Stad/ die all augenblick bis an Jüngsten Tag warttet auff newe Christen/ die sie durch Wortte vnd Sacrament zu **CHRISTO** bekere vnd selig mache: Wie Paulus auch 1. Cor. 11. spricht/ Verkündiget den Tod des Herrn/ bis das er kompt. Tu

## Wie alle menschen so dem Euangelio nicht glawben ewigverlorn sind.

**A**l die verheissung allgemeine sind: Wie Gott spriche. Ge. 12. In deinem Samen sollen alle völker auff erden gesegnet werden: Vnd **CHRISTVS** spricht Mar. 16. Prediget das Euangelion aller Creature. Die Heiden aber vnd Königreiche (die) nicht dienen wollen/ heist/ dem Euangelio nicht glawben wollen vnd die so im glawben verfolgen: Wie Ps. 2. klaget vber Heiden vnd Könige das sie reden vnd thun wider den Herrn vnd seinen **CHRIST**. Aus welchem Psalm auch wol zu verstehen ist/ das vmbkommen vnd verwüstet werden/



## Von deinen Fürstehern :

Den/heisse ewigverloren werden : als denn Ps. 2. Klinget/ Er wird der malech  
nes mit jnen reden in seinem grim. So wil er mit disen wortten (denn  
welche Heiden vnd Königreiche dir nicht dienen wollen/die sollen umbkomet  
vnd die Heiden verwüstet werden) in der Summa nichts anders sagen/denn  
das **CHRISTVS** spricht Mar. vl. Wer nicht glewbet der wird verdampt  
werden. Tu

### Wie vnd warumb Gott die Christenheit so herlich mache.

**S** Intemal die herlichkeit Libanon/ist/der pracht Göttelichs worttes  
den die Jüden für allen völkern auff erden haben / nach dem  
147. Psalm. Vnd an dich komet/ heist/ vom Judenthum zum  
Christenthum gewand werden : nach diesem Spruch **CHRISTVS**  
Matth. 21. Das Reich wird von den (vnbusfertigen) Jüden  
genomen vnd den (fromen) Heiden gegeben werden. So wil er mit disen  
wortten (denn die herlichkeit Libanon sol an dich komet/ tennen/büchen/buchs  
bawmen miteinander zuschmücken den ort meines Heilighums) verheissen/  
was Gottes vnd guttes im Judenthum ist das sol alles zum Christenthum  
komet durch **CHRISTVM**/nemlich die Heilige Schrift/erkendnis Got  
tes/gerechtigkeit vnd ewiges leben. Warumb aber solchs? Die Stette sei  
ner füsse/nennet er die Prediger vnd Christen in welchen er mit seinem wortte  
vnd geist wandlet/ nach diesem Spruch. Le. 26. Ich wil in jnen wandeln.  
Herlich machen/ist seligmachen : gerade wie Paulus spricht Phil. 3. Er wird  
vnsern nichtigen leib seinem herlichen leib ehlich machen. So wil er mit dis  
sen wortten (denn ich wil die stette meiner füsse herlich machen) verheissen/  
ob gleich die lieben Prediger vnd Christen in diser welt schendlich gehalten  
vnd jemerlich dahin müssen/ dennoch wolle er sie an jenem tage herlich ma  
chen : Wie j. Jo. 3. spricht/ Es seie noch nicht erschienen das wir Gottes  
kinder seien / wenn es aber nu erscheinen werde so werden wir im gleich  
werden.

**ES** werden auch gebückt zu dir komet die dich vnterdrückt  
haben : vnd alle die dich gelestert haben/ werden niderfal  
len zu deinen füssen/vnd werden dich nennen eine Stad des  
Hern / ein Zion des Heiligen in Israel. Denn darumb das  
du bist die verlassene vnd gehassete gewest/ da niemand  
gieng/ wil ich dich zur pracht ewiglich machen/ vnd zur  
freude für vnd für / das du solt Milch von den Heiden  
saugen/vnd der Könige Brüste sollen dich seügen/ auff  
das du erfarest das ich der Herr bin dein Heiland/ vnd ich  
der mechtige in Jacob bin dein erlöser. Ich wil Gold an  
stat des Erzes/ vnd Silber an stat des eisens bringen/  
vnd Erz an stat des holtzes/vnd eisen an stat der steinen :  
vnd wil machen das deine Fürsther fride leren sollen vnd  
deine Pfleger gerechtigkeit predigen. Man sol keinen fre  
nel mehr



## Die Friedelern.

uel mehr hören in deinem lande/ noch schaden oder ver-  
derben in deinen grenzen: sondern deine Mauern sollen  
heil/ vnd deine Thore lob heissen. Die Sonne sol nicht  
mehr des tages dir scheinen/ vnd der glantz des Mondes  
sol dir nicht leuchten: sondern der Herr wird dein ewiges  
licht sein/ vnd dein Gott wird dein preis sein. Deine  
Sonne wird nicht mehr vntergehen/ noch dein Mond  
den schein verlieren. Denn der Herr wird dein ewiges  
licht sein/ vnd die tage deines leides sollen ein ende haben.  
Vnd dein volck sollen eitel gerechte sein/ vnd werden das  
Erdreich ewiglich besizen/ als die zweige meiner pflanz-  
ung/ vnd ein werck meiner hende zum preis. Aus dem  
kleinsten sollen tausent werden/ vnd aus dem geringsten  
ein mechtig volck. **ICH** der Herr wil solchs zu seiner  
zeit eilend ausrichten.

Aus diesem letzten teil last vns sieben lere schepffen/ vnd erzelen: Erstlich

### Wie die feinde der Christenheit zu CHRISTO bekeret werden sollen.

**D**u vnterdrucker vnd lesterer gebuckte komet vnd sprechen  
(du bist ein Stad des HERN) ist/ viel erweleter so die Christen-  
heit erst verfolget haben/ wenn sie bekeret sind/ der Christen-  
heit beste freinde werden: Wie Paulus vnd seines gleichen.  
Das er die Christenheit eine gehassete vnd verlassene /nennet/  
zeigt an das alle Christen das heilige Creutz tragen müssen ir  
lebenlang: Wie 1. Ti. 3. Paulus spricht/ Alle die Gottselig leben wollen in  
CHRISTO müssen verfolget werden. Das er aber spricht/ dafur sollen sie  
nicht alleine ewigen pracht vnd freud haben/ sondern auch der Heiden milch  
vnd der Könige brüste saugen/ zeigt an/ das die Christenheit mitten vnter  
den feinden/ im geist freud vnd herschafft vber alles in CHRISTO haben  
werde nach dem achten psalm der spricht/ Du hast im alles vnter seine füsse  
geleget. Durch Milch saugen/ zeigt er sonderlich an das sich die bekereten  
Heiden freimlich gegen den Christen halten werden vmb CHRISTI wil-  
len. Drumb wenn er spricht (auff das du erfarest das ich dein heiland vnd  
erlöser bin) wil er leren/ das die Christenheit auff erden keinen rat noch hülfte  
werde haben/ denn CHRISTVM zur rechten Gottes: Wie Paulus auch  
zun philippem am dritten spricht/ Unser bürgerschaft ist im himel/ von  
dannen wartten wir IESVM CHRISTVM vnsern heiland. So wil  
er mit allen disen wortten (Es werden auch gebuckte zu dir komet die dich  
vnterdruckt haben: vnd alle die dich gelestert haben/ werden niderfallen zu  
deinen füssen/ vnd werden dich nennen eine Stad des HERN/ ein zion des heil-  
ligen in Israel. Denn darumb das du bist die verlassene vnd gehassete gewest/  
das niemand gieng/ wil ich dich zur pracht ewiglich machen/ vnd zur freude  
für vnd



## Von deinen Fürstehern:

für vnd für/ das du solt Milch von den Heiden saugen / vnd der Könige brüste sollen dich seugen/ auff das du erfarest das ich der Herr bin dein Heiland/ vnd ich der mechtige in Jacob bin dein erlöser) Die Christenheit trösten vnd sagen: Höre du liebe Stad Gottes es werden deine lesterer vnd verfolger noch bekeret werden zu **CHRISTO** vnd dich erst durchs Euangelion recht kennen lernen/ das du seiest das rechte Zion vnd Jerusalem Gottes/ also bistu seer verlassen gewest so wirstu auch seer herlich werden/ vnd bistu schon auswendig mit dem Creutz beschweret vnd seer heslich anzusehen/ dens noch sol dein hertz mit dem heiligen geist vnd Gottes wortt geschmückt so freidig vnd herlich fur Gott sein/ das dein inwendiger schmuck vnd frölichkeit aller welt schmuck vnd eüsserliche freud vbertreffe/ durch **CHRISTUM** von des fülle du empfangen hast gnad vmb gnad. Tu

## Wie der Christen trawrickeit zur freude werden sol.

**S**old an stad des Erzes vnd Silber an stad des Eisens bringen vnd erz an stad des holzes vnd eisen an stad der steinen/ heist/ die Christenheit so fur der welt vnd auswendig heslich ist: wie **CHRISTVS** Esa. 53. inwendig so schone schmucken mit geistlichen gaben als **CHRISTVS** vnd seine Braut Ps. 45. geschmuckt. Er wil durch erz eisen holz steine/trawrickeit: Durch gold silber erz eisen/ freude: verstanden haben in der vergleichung. So wil er mit disen wortten Ich wil gold an stad des erzes vnd silber an stad des eisens bringen vnd erz an stad des holzes vnd eisen an stad der steine) souiel zusagen: du zerplagete Christenheit/ verleürestu etwas vmb meinet willen/ so sol es dir reichlich widergeben werden vnd solt fur zeitlich tribsal ewige freude kriegen: wie **CHRISTVS** auch Jo. 16. spricht / Ewer trawrickeit sol zur freude werden. Tu

## Von deinen Fürstehern.

**D**urch Fürstehet vnd pfleger/ verstehe hie Bisschoffe Prediger Selesorger: darumb Fürstehet vnd pfleger genennet/ das sie aller menschen Selen mit Gottes wortt versorgen vnd regiren sollen: nach disem Spruch 1. Cor. 4. Iderman halt vns fur Haushalter vber Gottes geheimnis. Friden lernen/ heist durchs Gesetzes leren eüsserlichen frid haben mit deinem Gesetzen (wie Paulus Ro. 13. spricht/ Die lieb ist des Gesetzes erfüllung) vnd durchs Euangelion geglewbt vnd bekand frid haben mit Gott: wie Paulus auch Ro. 5. spricht/ So wir gerecht sind durch den glawben haben wir frid mit Gott. Daraus wolzuverstehen/ das gerechticheit predigen/ heisse/ von der eüsserlichen gerechticheit des Gesetz vnd von der innerlichen gerechticheit des glawbens vnterschiedlich reden: wie Paulus Ro. 10. Dife beide gerechticheit meisterlich voneinander scheidet nach dem Gesetz vnd Euangelio. So wil er mit disen wortten (vnd wil machen das deine Fürstehet friden lernen solen/ vnd deine pfleger gerechticheit predigen) nicht alleine das PredigAmpt beschriben haben als eine lebendige Brunquelle daraus fleüßet innerlicher vnd eüsserlicher frid/ dazu beide Prediger vnd Christen geschickt sein sollen/ wie



## Die Friede leren.

wie Eph. 6. Paulus spricht/ Seit gestiffelt mit dem Euangelio des Friedes.  
Sondern auch anzeigen das man solche lerer des Friedes als ein geschenck  
Gottes hochehren vnd foddern sol: wie Paulus auch 1. Ti. 5. gepent vnd  
spricht/ Die elckisten so wolfurstehen halte man zwiffacher ehren werd son-  
derlich die da erbeiten in dem wortte vnd in der lere. Nu

### Von der Christen geistlichen sicherheit.

**E**inen freuel noch schaden mehr im lande hören sondern Mauren vnd Thore  
heil vnd lob heissen/ ist die Christenheit nicht alleine fridsam sein vnd ein  
Gottsiliges leben führen (Wie der Heide Plinius auch die Christen in seinem  
Episteln lobet) sondern auch euel Gott dancken vnd lobsingem vnter dem  
Christen sein beide mit wortten vnd wercken: Als Paulus auch Col. 3. ler-  
er vnd spricht/ Alles was ir thut mit wortten oder wercken/ das thut im  
Namen IESV vnd danckt Gott durch in. So wil er mit disen  
wortten (Man sol keinen freuel mehr hören in deinem lande noch schaden  
oder verderben in deinen grenzen/ sondern deine Mauren sollen/ heil vnd  
deine Thore/ lob/heissen) der Christen geistliche sicherheit beschreiben haben/ weil solche hülffe  
in der Christenheit ist die alle welt nicht vermag/ vnd der vnaussprechlich Reichtum Gottes  
licher gnaden in IESU so reichlich vnd trewlich geprediget vnd verstanden wird/ das  
alle Christen dadurch gereizt vnd beweget werden on vnterlas Gott zu loben vnd dancken für  
alle seine geistliche vnd leibliche wolthaten: Wie ps. 84. klinger. Wol denen die in deinem  
hause wonen/ die loben dich in ewigkeit. Nu

### Vom geistlichen vnd ewigen Reich

#### CHRISTUS der Christenheit.

**D**ie Sonne des tages nicht mehr scheinen sollen/ vnd des Mondes glantz die  
nicht leuchten sollen/ sondern den Herrn dein ewiges Licht sein werden vnd  
deinen Gott dein preis, heist/ CHRISTUS Reich nicht mit augen gesehen  
werden/ sondern mit dem hertzen gegewbet: als Paulus Ro. 10. Gerech-  
tigkeit des Gesetzes vnd des Euangeli voneinander scheidet. Denn durch  
leibliche Sonne wird diser welt Reich bedektet: von welchem der prediger  
Salomo reißet/ Alles vnter der Sonnen ist euel. Durch die geistliche  
Sonne aber verstehe CHRISTUS vnd welcher die finstern hertzen vnd trawrige gewissen mit  
seinem wortte vnd geist erleuchtet vnd erfrewet: Wie Malachias auch spricht am letzten/ Euch  
Gott fürbringen sol auff gehen die Sonne der gerechtigkeit. Die leibliche Sonne wird vergehen  
vnd alle die so durch werck des Gesetzes wollen gerecht vnd selig werden/ gehen vnter. Aber  
die geistliche Sonne CHRISTUS bleibet ewig: vnd alle die sie ansehen mit dem glauben  
sind vnterlich. Denn wenn er spricht/ Deine Sonne wird nicht mehr vntergehen/ noch  
dein Mond den schein verlieren. Denn der Herr wird dein ewiges Licht sein/ vnd die tage dein  
nes leides sollen ein ende haben) vber schwenglich trösten vnd anzeigen/ das der Christenheit  
Sonne CHRISTUS im hertzen alleine durch den glauben schein vnd der selbe schein wer-  
de leib vnd sele erst verklären am Jüngsten tage/ desmo müssen wir hie am wortte Gottes alleine  
hängen: Wie Paulus spricht 1. Cor. 13. Wir sehen igt in einem Spiegel in einem dunckeln  
wortte/ denn aber von angefsicht zu angefsicht. Nu

### Von der Christen ewigen gerecht- tigkeit vnd seligkeit.

**E**in volck eitel gerecht sein/ heist/ alle die da glauben an CHRISTUM  
gerecht für Gott sein: Wie Paulus Ro. 1. spricht/ Die gerechtigkeit die für  
Gott gilt kompt durch den glauben. Der Christen ewige gerechtigkeit ist nicht  
zeitlich thun/ von welchem der mensch hie lebet/ sondern eine gnedige zusag-  
ung Gottes darinnen vergebung der Sünd vnd das ewig leben vmb sonst  
versprochen vnd geschendet wird: als CHRISTUS spricht Jo. 3. Wer  
den Sone gwebet/ der wird nicht gericht vnd hat das ewig leben. Daraus wol zu verstehen/  
das das Erdreich ewiglich besizen/ heisset/ die Christenheit nicht alleine in diesem vergenglichen  
Erdreich bleiben bis an Jüngsten Tag (als CHRISTUS spricht Matth. 16. Die Hellenische  
pforten



## Von deinen Fürstehern: die fride leren.

pforten sollen wider seine gemeine nichts vermügen) sondern auch in dem fünffrigen Newen Erdreich sollen sie wonen ewiglich: Als 2. pe. vl. zeiget. Dagegen alles das wider die Christenheit ist mus zeitlich vnd ewiglich vntergehen: als die Schrift zeiget. Was heist aber einen zweige (Gottes) pflanzung vnd werck (Gottes) hende sein zum preis? Es heist die Christenheit Gott zum preis darumb nicht vntergehen können/ das Gott selbs aus gnaden die Christenheit/ als ein paradys/ mit seinem wort vnd geist pflanzt vnd erhalt: wie **CHRISTVS** auch sich derhalbten einen Weinstock nennet Jo. 15. vnd die Jüngere Weinreben/ das ein abgeschüttene Reben nicht frucht bringen mag. So wil er mit disen wortten (vnd dem volck sollen eitel gerechte sein) vnd werden das Erdreich ewiglich besitzen/ als die zweige meiner pflanzung/ vnd ein werck meiner hende/ zum preis) weiffagen das in der Christenheit eitel frome lere sein werden/ also/ wiewol in diser welt Christen vnd Widderchristen bei einander wonen vnd miteinander in die Kirchen gehen/ dennoch ist in allen Christen kein falscher geist/ vnd am Jüngst entrag werden die Widderchristen auch leiblich von den rechten Christen geschieden werden ewiglich: nach dem wortt **CHRISTVS** Matth. 13. Das Erdreich aber das sie besitzen werden ewiglich ist das Newe danon Esa. 65. vnd 2. pe. vl. weiffagen. Zum Beschlus.

## Wie die Christenheit mit erst klein ist vnd bald gros wird durch **CHRISTVM**.

**A**us dem kleinsten Tauset/ vnd aus dem geringsten ein mechtig volck werden/ heist/ durch den kleinsten Apostel viel Tauset Christen vnd durch den geringsten Pfarhern eine Gemeine zu Gott bekeret vnd regeret werden: Als Ps. 68. auch meldet/ da herscher der kleine Ben Jamin die Fürsten Jud da Sebulon Nephthali mit iren versamlungen. Das er aber spricht Ich der Herr wil solchs zu seiner zeit austrichten eilend) damit zeiget er an/ das er selbs durch seinen Gotlichen allmechtigen heiligen geist alles in diesem Capitel verheiffen so glücklich vnd eilend erfüllen wolle/ sobald **CHRISTVS** von toden auferstanden seinen geist aus der höhe senden werde: als am pfingstag anfieng vnd hernach die Apostel in aller welt predigeten vnd wunder theten: wie Mar. vl. spricht/ Der Herr befreffriger ire wort mit folgenden zeichen. Drum wie er mit disen wortten (aus dem kleinsten sollen tauset vnd aus dem geringsten ein mechtig volck werden) weiffagen wil/ ob gleich die Kirche mit erst klein ist dennoch werde sie wachsen vnd soviel Christen werden als der Stern am himel sind: Wie Gott Abraham verhies Ge. 15. Also wil er mit disen wortten (ich der Herr wil solchs zu seiner zeit eilend austrichten) verheiffen das er **CHRISTVS** selbs durch seinen geist in allen Christen alles gutte dencken reden thun wolle/ also/ das man on in nichts guttes dencken reden thun könne: Wie er denn auch Jo. 15. durre eraus spricht/ On mich kund ir nichts thun. Herr dir alleine seie lob ehre danck in ewigkeit. Amen.

Geprediget in Marburg 1547.  
Geschrieben zu Lübeck 1550.

Gedruckt durch Georgen Kicholff:  
M. D. L.




88 153

AB 88 153

X 199 7507

3







# Sonden fürstheben

Die Friede leren.

DOCTOR IOANNES  
DRACONITES.

Isa. 60.  
Ich wil machen das deine fürstheher friede leren sollen/  
vnd deine Psleger gerechtigkeit predigen.

M. D. L.

